



**KOMMUNALBESTYRELSEMI
ILEQQUSUMIK ATAATSIMIINNISSAQ
PINGASUNNGORNEQ 19. FEBRUAR 2020 NALUNAAQUTAQ 09:00**

Peqataasut:	Palle Jerimiassen, borgmester	(S)
	Sakio Fleischer, 1. viceborgmester	(S)
	Anthon Frederiksen 2. viceborgmester	(PN)
	Jørgen Kristensen	(S)
	Jakob Petersen	(S)
	Susanne K. Eliassen	(S)
	Ane Marie M. Andersen	(S)
	Apollo Mathiassen	(S)
	Masauna Holm Petersen	(S)
	Jens Kristian Therkelsen	(S)
	Karl Markussen	(A)
	Aqqalu Jerimiassen	(A)
	Aqqaluk Heilmann	(PN)
	Ole Danielsen	(PN)
	Bendt B. Kristiansen	(IA)
	Regine N. Bidstrup	(IA)
	Lena Ravn Davidsen	(D)

Kommunaldirektør:	Nick Nielsen
Imaqarniliortoq:	Nick Nielsen
Allaffimmiit peqataasut:	Dorthe L. Mathiesen, Karl Kristian Kristoffersen
Nutserisoq:	
Ingerlanneqarnera:	Telefonikkut

KOM	Sammissaq	BILAG
ORI	Ilisimatitsissutit	001
20-002	Aningaasaqarnerup killiffia ukiup 2019-p sisamaraarterutaani	002
20-003		003

Aalajangiineq:

Oqaluuserisassat akuerineqarput, Anthon ataatsimiinnermi peqataangilaq.

Iisimatitsissutit:**Inunnut paasissutissanik suliaqarnermik nalunaaruteqartarnek pillugu ilisimatitsissut**

Kalaallit Nunaannut Inunnut paasissutissanut Inatsit ulloq 1. decembari 2016-imi atuutilersoq Danmarkimi Datatilsynimut inunnut paasissutissanik suliaqarnermik kommunit nalunaaruteqarnissaannut ulloq 1. decembari 2019-imit killeqarpoq. Killiliussamik tassanga aaqqissuussinermut suliaassat annertuut arlallit pissutigalugit Qaasuitsup Kommunia malittarinnissimangilaq, taamaattumillu maannakkut Avannaata Kommunerisaa kinguartitsisoqarnissamik pisariaqartitsivoq.

Ulloq 26. novembari 2019-imi kommunalbestyrelsip ataatsimiinnerata kingornatigut borgmesterip atsiornertigut piffissatut killiliussap sivitsorneqarnissaa pillugu Datatilsynimut qinnuteqaammik kommune nassiussaqqarpoq.

Danmarkimi sulissaqarfiup iluani ministerimut suliap saqqummiunnissaa siunertaralugu suliaasaqarfimmut Naalakkersuisup ilisimatinnissaa Kommunalbestyrelsip aalajangiuppaa. Killiliussap taassuma sivitsornissaa pillugu Justitsiministeri, nunatsinni namminersorlutik oqartussanik isumaqatiginninniareernermitigut malittarisassianik aalajangersaasinnaanera Inunnut paasissutissanut Inatsimmi § 71, Imm. 5-imi allassimavoq. Aalajangersakkap pisunut, Kalaallit Nunaata tamarmiusup ilaaffigisaanut tunngasuunera pillugu kommunip kukkunersiuisartutut ingerlatseqatigiiffia siunnersuisimavoq.

Datatilsynip piffissatut killiliussap sivitsornissaanut periarfissaqannginneranik kommune akissutisisimavoq; Avannaata Kommuniali sapinngisamik piaarnerpaamik nalunaarutit Datatilsynimut nassiutissagai peqquneqarsimavoq.

Suliap kommunalbestyrelsimut saqqummiutereernerata kingunitsiannguatiqut saaffiginnissut taanna aqutsisoqarfiup malitseqartissavaa, taamaalilluni kommune sapinngisamik piaarnerpaamik nalunaarutit Datatilsynimut nassiussinnaaniassammagit.

Datatilsynimut nalunaaruteqarnissamut iliuusissatut pilersaarummik ataaniittumik aqutsisoqarfik aallartisaasimavoq:

1. Ulluni 12. aamma 13. septembari 2019-imi Inunnut paasissutissanut Inatsit pillugu pisortaqqarfimmut aamma fagchefinut pikkorissartitsisoqarpoq.
2. 2019-imi decembarimi innuttaasunut aamma sulisuusunut tunngasunik inunnut paasissutissanik imaqqartunik kommunip suliaasaqarfignisai qulaajaaviginiarlugit 2020-mi februaarimi pisortat fagchefillu tamarmik apeqqarissaarneqarnissamut qaaqquneqarlutillu piareersarneqarput.
3. Imm. 1-imi nassuiarneqartutut kommunimi sulianut tunngasutut eqimattakkuutaanik tamarnik 2020-mi februaarimi apeqqarissaarinerit ingerlanneqassapput.
4. Kikkut tamarmik piginnittuulissammata Hotel Arcticimi rådhusimi sulisut tamarmik peqataatillugit inunnut paasissutissanut inatsit pillugu ulloq 27. februaari 2020-mi workshoppi, ESDH-mut attavisoq, tassangaanniillu malitsigisatut suliaassat ingerlanneqassapput.
5. Kommunimi sulianut tunngasutut eqimattakkuutaanik tamanik peqateqarluni 2020-mi marsip-apriilip qaammataanni paasissutissat katersorneqarlutillu iluarsiivigineqassapput, aammalu aarleqqutaasunik nalilersuinissamut piareersarneqarlutik.
6. Kommunimi sulianut tunngasutut eqimattakkuutaanit tamani sinniisut peqatigalugit ulloq 20. aprili 2020-mi nalilersuinnermut tunngasumik ataatsimiittoqassaaq.
7. Kommunimi sulianut tunngasutut eqimattakkuutaani tamani aarleqqutaasunik nalilersuineq ulluni 12.-14. maaji 2020-mi ingerlanneqassapput. Aamma ESDH-mik suliniut (Elektronisk sags- og dokumenthåndtering – Qarasaasiakkut suliaassanik allagaatinillu isumaginnittarneq) ilanngunneqassaaq.
8. Kommunimi sulianut tunngasutut eqimattakkuutaani tamani pitsaassutisunik qularnaarinerit maajip qeqqani aamma juunimi ingerlanneqassapput.
9. Kingusinnerpaamik 30. juuni 2020-mi kommune Datatilsynimut nalunaaruteqassaaq.
10. Kingornatigut suliaassat makku kommunip naatsorsuutigissavai:
IT-mik, isumannaallisaanermut allanillu naalakkersueriaatsinik, ingerlattakkanik, suleriaatsinik, timitalittut iliuuserisanik, ESDH-mut attaviliinerit aaqqissuussiffiillu sinnerisa nutarsarlugillu atuutsilernerit.

Aningaasaqarnikkut kingunissat

Suliassaq kommunip kukknersuisartuanit ikiorserneqarnermut aningaasartutininik, ESDH-mik aaqqissuussiffimmik kommunip siunnersuisartuanut, Hotel Arcticimi workshoppimut aningaasartuutininik, aamma illoqarfinni nunaqarfinnilu paasissutissanik qularnaarinissamut timitalittut suliarisanut aningaasartuutininik nassataqartitsivoq. Matuma allannerani kommunip kukknersuisartunut aningaasaliissutigisaanut aningaasartuutigisai ilanngunnagit koruunit 200.000,00 isumaqatigiissutigalugit atsiuisoqarpoq. Suliassani pineqartuni ukiumi missingersuusiorfiusumi matumani toqqammavigisap koruunit 400.000,00 iluini aningaasartuuteqartoqassasoq ataatsimut isigalugu missiliuutigineqarpoq.

Aningaasaqarnermi Ataatsimiititaliami qulequtaq sammineqarami imaqarniliaq:

Ilisimatitsissutit tusaatissatut tinguneqarput.

Compter-it ingalaakkut toqqaannartumik takuneqarsinnaaneri ataatsimiititaliamit aaqqinneqassasut kissaatingineqarpoq, nunaqarfinnilu immikkut qulequtaq pillungu paasitsiniaasoqassasoq aamma kissaatingineqarpoq.

Ilanngussat:

Soqanngilaq

Aalajangiineq:

Aningaasaqarnermi ataatsimiititaliami imaqarniliaq tusaatissatut tinguneqarpoq.

Sag nr.	Sammissaq	Bilag. nr.	002
KOM 20-002	Aningaasaqarnerup killiffia ukiup 2019-p sisamaraarterutaani	Journal nr.	

Uteqqiineq:

Kommunalbestyrelsip 26. november 2019 ataatsimiinnermini akueraa aningaasaqarnermut aqutsinissamik ingerlariusissaq nutaaq atuutilertussa 1. januar 2020, tassalu aningaasatigut missingersuutitigullu killiffissiuissarnissaq ukiumut sisamaria pisassasoq, qaammatit pingasukkaarlugit (pr. kvartal). Qulequtaq ataatsimiititaliani ataavartuni suliarineqareerluni Aningaasaqarnermi Ataatsimiititaliami akuerineqareerluni kommunalbestyrelsemut qaqinneqarpoq inaarutaasumik isummerfingineqartussanngorluni.

Suliamik saqqummiussineq:

Ataatsimiititaliat ataavartut aningaasaqarnermut killiffitsik 01. januar – 31. december 2019 tikillugu atuisimanerminnut nalunaarusiornikuupput, taakkualu ima isikkoqarput:

Tamakkiisumik takussutissiaq

Konto	Taaguutaa	R-2018	B-2019	BR1-2019	BR2-2019	BR3-2019	4. kvartal 2019
1	Ataatsimoorussanik Sullissivik	191.952	186.286	194.186	196.886	197.666	194.558
2	Teknikkimut tunngasut	37.915	34.969	34.969	34.969	34.969	38.137
3	Inuussutissarsionermut Ingerlatsivik	57.568	66.892	65.002	65.002	60.502	54.008
4	Ilaqutareeqarnermut Ingerlatsivik	253.478	259.540	258.422	258.422	258.262	233.098
5	Peroriartortitsionermut Ingerlatsivik	223.198	240.000	239.600	239.575	239.575	231.453
6	Pilersuiffit	5.955	4.000	4.000	4.000	6.000	7.081
Total	Ingerlatsionermut aningaasartuutit	770.066	791.687	796.179	798.854	796.974	758.333
7	Sanaartomermut aningaasaliissuutit	81.638	82.110	82.110	97.833	97.833	88.960
Total	Ingerlatsionermut sanaartomermullu aningaasartuutit	851.704	873.797	878.289	896.687	894.807	847.293
8	Isertitat	-876.670	-887.409	-885.234	-903.144	-911.344	-860.573
Total	Angusat aningaasat nikeramerat sioqqullugu	-24.966	-13.612	-6.945	-6.457	-16.537	-13.280
9	Aningaasat nikeramerat	-33.355	13.003	11.333	16.933	16.333	462
Total	Ukiup angusat	-58.321	-609	4.388	10.476	-204	-12.818
9	Ukiup aallartinnerani aningaasaatit	246	58.567	58.567	58.567	58.567	58.567
Total	Ukiup naanerani aningaasaatit	58.567	59.176	54.179	48.091	58.771	71.385

Aningaasaatit ukiup aallartinnerani 58,6 mio. kr.-iusinnarlutik ukiup naanerani 31. december 2019 qaffariarput 71,4 mio. kr.-inut.

Akiitsut qanittumi akilerneqartussat 2018 ingerlanerani 22 mio. kr.-inik qaffariartut 2019-imi appariartutut isikkoqaraluarput 5,4 mio. kr.-inik, taakkunanngali 7,4 mio. kr. nalikillilerneqarnikuullutik.

Akiitsut sivisuumik akilersugassat, Avannaata Kommuniata aningaasat aningaaserivimmum akuttaminik taarnersuina pilersaarutit malillugit ingerlavoq.

Konto 1 – Allaffissorreq

Atuineq ataatsimut isingalugu annertussuseqarpoq 151,3 mio. kr. procentinngorlugu 96,7 % atuiffiuvoq, missingersuutitut akuerineqartunut 156,4 mio. kr.-inut naleqqiullugu.

Konto	Kontonavn	R-2018	B-2019	Tillægsb.	Korr. Budget 2019	Forbrug	Rest	Forbrug i %
10	Qinikkanut aningaasaliissutit	15.016	16.750	-2.500	14.250	12.558	1.692	88,1
11	Kommune-p ingerlatsivia	109.899	103.383	12.580	115.963	117.477	-1.514	101,3
12	Kantiinap ingerlanneqarnera	1	0	0	0	13	-13	0,0
13	IT	15.652	11.356	2.100	13.456	8.311	5.145	61,8
18	Suliniutit arlallit	9.353	11.074	1.700	12.774	12.977	-203	101,6
1	Allaffissorreq	149.921	142.563	13.880	156.443	151.336	5.107	96,7

Allaffissornermut iluani aningaasanik 5,1 mio. kr.-inik missingersuutit malillugit sinneqarpoq. procentinngorlugu atuineq annertussuseqarpoq 96,7 %-imik.

Konto 10-mi aningaasaliissutit malillugit ingerlasoqarpoq, qinersinermi sutungassaqtitsineq sippuilaarsimavoq taamaallaat, konto 10-00 Bilag til anvisning – konto 1 aningaasartalik -1.456 t. kr. tassaapput kreditnota tingusimasavut suli konto inissaviinut nuunneqarsimanngitsut, taakkualu aningaasanik naatsorsuuteqarfiusup 2019 matunnginnerani inissinneqarumaarput.

Konto 11-mi aningaasaliissutinik sippuineq patsiseqarpoq angalanermut naammattumik missingersuusiortoqarsimannginneranut aammalu oqarasuaatitigut nutarterinermi aningaasaliissutit qaffanneqarsimannginnerannut.

Konto 12-imi aningaasartuuteqarneq patsiseqarpoq kukkusumik konteeriismanermut, tamannalu ukioq 2019 naatsorsuuteqarfiusoq matunnginnerani aqqinneqarumaarpoq.

Konto 13-imi pilersaarutit malillugit ingerlavoq

Konto 18-imi sillimasiinermut missingersuutiniik aningaasartuuteqarnerulaarneq patsiseqarpoq sillimmasiisarfiup akigititani qaffalaarnikuungamigit, aammalu pilersaarusiornermut periusissamik inerisaarnermik (plan strategi) annertunerusumik aningaasartuuteqarneq.

Peqqinneq sunngiffillu

Atuineq ataatsimut isingalugu annertussuseqarpoq 43,6 mio. kr. procentinngorlugu 105,8 % atuiffiuvoq, missingersuutitut akuerineqartunut 41,2 mio. kr.-inut naleqqiullugu.

Konto	Kontonavn	R-2018	B-2019	Tillægsb.	Korr. Budget 2019	Forbrug	Rest	Forbrug i %
41-08	Isumag. Pinaveers. suliaqarfii	4.959	5.351	0	5.351	5.722	-371	106,9
53	Sunngiffimmi sammisassaqtitsivik	29.162	29.337	-2.000	27.337	28.746	-1.409	105,2
56	Kangersungaasiviit	2.878	3.413	-500	2.913	2.952	-39	101,3
59	Sunngiffinni, kulturikkullu suliniaqatigiiffinnut tapiissutit	5.033	5.622	0	5.622	5.798	-176	103,1
		41.987	43.723	-2.500	41.223	43.600	-2.377	105,8

Akisussaaffiup ataani 2.3 mio.-inik qaangiifallaqqavoq procentinngorlugu 5.8%-mik

Konto 41-08-mi Qaangiivallaarnermut pingaarnertut tassaavoq pinaveersaartitsinermi sulisut immikkoortortami aqutsisutut ivertinneqarmata konto 41-08-miik nuunneqanngitsoorsimapput konto 11-mut, Ilulissani, Qaanaaq Upernavillu qaangiingaatsiarput

Konto 53-mi Skolepasningimi Ilulissani, Upernavimmi, Qaanaaq, Ummannami, Saqqaq, naajaat atuareernerup kingorna orittagakkami sulisutigit

Ummannamut tunngatillugu tassaarsuortoqareernerani atuareernerup kingorna ornittakkamut, meeqqat orniguttartut amerlinerani aningaasanik malitsteqatitsisimannginnermut ilaatigut peqqutaasut ilagaat, ilaatigut nerisaqartitsisarneq ilaasoq aamma aningaasatigullu immikkoortitsisoqarsimanani.

Upernavimmi pingaarnertut sippuinnermut asaatisisarneq 53-03-mi akilersorneqarsimavoq, kontomilu kukkusumik akilersorneqarluni, taamatullu aningaasaliissutit sipporsimallugit Ilulissani timersortarfimmi aningaasarsiatigut nalimmassaaneq ingerlanneqarsimangilaq, taamaattumik sippuingaatsiarsimalluni 1.0 mio.-ningajaat tungaanut.

Konto 53-mi ilaatigut immikkoortortat assigiinngitsuni illoqarfinni nunaqarfinnilu sippuinnerit annikitsukkuutaat aamma pisimapput

Konto 59-mi tapiisarnermut tunngasut, ukiorpanni nalimmassarneqarsimangillat ileqqoreqqusanut tapiisarnermut malitseqartuni.

Konto 2 – Tekniskimut tunngasut

Atuineq ataatsimut isingalugu annertussuseqarpoq 38,1 mio. kr. procentinngorlugu 109,1 % atuiffiuvoq, missingersuutinut akuerineqartunut 34,9 mio. kr.-inut naleqqiullugu.

Konto	Kontonavn	R-2018	B-2019	Tillægsb.	Korr. Budget 2019	Forbrug	Rest	Forbrug i %
20	Aqqusernit, ikaartarfiit tummeqqallu suliarineqarneri il. II.	3.380	6.121	-943	5.178	3.436	1.742	66,4
21	Saligaatsuutitsineq, aputaajaaneq ilanng.	6.779	5.616	0	5.616	5.674	-58	101
22	Pisuussutit uumassusillit	1.511	1.280	0	1.280	1.407	-127	109,9
23	Kommune-p ingerlatsivii assigiinngitsut	4.019	4.357	0	4.357	4.496	-139	103,2
25	Qatserisartoqarneq	9.414	8.705	0	8.705	10.264	-1.559	117,9
27	Teknikkikkut ingerlatat allat	12.811	8.890	943	9.833	12.860	-3.027	130,8
2	Teknikkikkut tunngasut	37.915	34.969	0	34.969	38.137	-3.168	109,1

Konto 20: Pingaarnertut iluaniipput aqqusinernik aserfallatsaaliuineq, iliveqarfinnik ingerlatsineq kiisalu eqqakkat aqputaat kloakki.

Ummannami sinnilimmik atuineq garage aputaajaanermik nammineerluni suliaqartitsineri nammanneqarsinnaasimanginneranik patsiseqarpoq, KJ-millu ikiorneqartariaqarsimallutik. Tamanna suliaassanik sulisinneqartartumut saniatigut aningaasartuutaasimavoq.

Ilulissani eqqakkanut aqputip imikoofiusorlu kloakkip serpartarneranut saniatigut aningaasartuutaavoq.

Tamanna patsiseqarpoq qerijuaannartumik kloakkip sunnerneqarnera, kingumut milittoorneranik matuneqarlunilu tamanna tassa qaangiivallaarnermut patsisaaavoq.

Qaanaami aamma kloakki sermimik/qerinerminik akornuserpoq. Taamaammatt najukkami ajoquserneqartunut ruujorilerisut iluarsaassinnermut atorneqarnissaat pisariaqarsimavoq. Tamassuma kinguneraa missingersuutinut sanilliullugu naatsorsuutaanngitsumik aningaasartuuteqarneq.

Konto 21: Pingaarnertut iluaniippoq aputaajaaneq, saliineq aamma Ilulissani qimussit illinngernginit iluarsaassineq.

Aputaajaaneq isumaqatigiissuteqarnikkut ingerlanneqartuuvoq, malittarisassat aalajangersimasut suliaassanik suliarinnittartup ingerlatsinermilu immikkoortortap akornanni isumaqatigiissutaasut malillugit ingerlalluni.

Upernavimmi immikkut ittumik annermik apisimavoq. Tamanna ima isumaqarpoq aputaajaanerunerminik, isumaqatigiissuutit atuuttup saniatigut ingerlasariaqarsimalluni. Taama suliaqarneq saniatigut aningaasartuummik kinguneqarsimavoq.

Ilulissani qimussit illerngi isumaqatigiissusiornikkut ingerlanneqartuupput pilersaarutit malillugit ingerlapput.

Kisianni kommunimut tunngatillugu ajornartorsiortoqarpoq illernginut maskiina ajoquteqarmat, tamassuma kingunerisaanik saniatigut naatsorsuutiginnngisamik aningaasartuuteqartoqarpoq. Tamanna pisariaqarsimavoq, kommunip illerngit aqputaanik atortoq Kanganut isertarfiup pilersinnissaanut assakaasulinnik angallatinik pisariaqartitsisimammat.

Ilulissani containerit inissaannut iluarsaassineri inuinaat atortuisa ilaat tammarsimapput. Tammaasat taakkua kommunip taarsiiffigisariaqarsimavai. Amerlanerusunik atuinermik aningaasartuutaapput.

Sammisat allat pilersaarutit naapertorlugit ingerlapput, saniatigut allanik oqaaseqatissaqanngilaq.

Konto 22: Qimmeqarnermut tunngasoq. Pikkorissaasoqarnikuvoq, taamaalilluni qimmeqarnermut inatsimmi piumasaqaatit naammassineqarlutik. Tassunga tunngatillugu angalasoqangaatsiarpoq. Upernavimmi Qaanaamilu atuineq annertuvoq. Tamanna akiuussutissanik kapueqqinnermik sulisussaaleqinermillu patsiseqarpoq, aammalu imittittartup akilersorneranut Upernaviup eqqaani. Imittittartunik sulisitsiniarneq ajornakusoorpoq, aalisartuuneq kajuminnarnerpaammat akissarsiat eqqarsaatigalugit. Ingerlatsinerneq immikkoortortaqarfiup ineriartorneq eqqumaffigaa, taamaaliornikkut atuiavallaarneq aqunneqarsinnaanani ingerlassanngimmat nakkutigineqassallunili.

Konto 23: Iuaniipput sullissiviit ingerlanneqarneri aamma nunaqarfinnik ingerlatsineq.

Qeqertaq, Niaqornat, Qaarsut, Saattut, Ukkusissat, Innaarsuit, Tasiusaq Kullorsuarmilu sullissiviit atuinerat qaffasippallaarpoq. Tamanna isertitassanik amigaateqarnermik patsiseqarpoq. Errorsivinnik iluarsaassineq Uummannap eqqaani ajornakusoorpuvoq sulisussaaleqineq pissutigalugu, tamannalu qanga isertitassaqartitsissutaasimagaluarpoq.

Uummannap eqqaani nunaqarfinnik ingerlatsineq missingersuutinik sinnilimmik atuiffiuvoq. Tamaani eqqagassanik anartafilerinermillu suliallit namminersortut atornerqarmata. Anartarfilerineq ingerlanneqartuutussaavoq inatsisitu atuuttut naapertorlugit.

Konto 25: Pingaartumik Ilulissani upalungaarsimaffimmi piginnaanngorsarnissamik pisariaqartitsisoqarpoq, sulisut taamaalillutik sillimaniarneq pillugu inatsimmit piumasaqaatinik eqqortitsiniassammata. Taamaammat siunertamut aningaasarpaalunnik atuisoqarnikuvoq. Aamma aasap ingerlanerani Ilulissat avannaata tungaani Eqi camp-ip eqqaani pinngortitami marlunnik-pingasunik ikuallattoqarnikuvoq.

Uummanaq eqqarsaatigalugu qaangiuttoorneq pingaartumik imeqarfiliami ajutoorneq kinguaattoorneq pissutaavoq, tassani upalungaarsuiffiup imassamik pilersuineq aningaasartuutillu tassunga atasut isumaginikuuai.

Upernavimmi Naajaap eqqaani annikitsumik tsunameqarnikuvoq, pissutaasoq ilisimaneqanngilaq.

Upalungaarsimaffik immikkut aningaasartuuteqaatsiarnikuvoq, soorlu umiatsiaaqqamik ataatsimik nunaqarfinnut nioqutissanik imermillu pilersuinissamik qulaakkeerinnissutaasussamik pisineq.

Konto 27: Kommunip suliassanik suliarinnittartoq suliffiutaa.

Ilulissani Uummannamilu atuineq qaffasippallaarpoq. Tamanna annermik pissutsit marluk, sammisaqarnerit amerlinerisa kingunerisaanik akissarsiat qaffasinnerinik patsiseqarpoq aamma atorunat aserfallattunut iluarsaasinermut aningaasartuutit. Sammisat amerlinerini ass., saliineri ass., sulineri kinguaattoornerit asfalterinermi. Atortut tassaapput ass., angallatit assakaasullit. Taakkuupput pisoqaliniqut nungullarnikut taamaammat aamma iluarsaassinermut aningaasartuutaasut.

Kisianni, pingaaruteqarpoq oqaluttuarissallugu ingerlatsivik missingersuutinut atugassanik amerlanernik qinnuteqarnikummat, tassanili itigartinneqarput. Konto 27 nalinginnaasumik missingersuutimigut appasippallaamik aningaasartaqarpoq.

Inuussutissarsiornermut Ingerlatsivik

Atuineq ataatsimut isingalugu annertussuseqarpoq 59,3 mio. kr. procentinngorlugu 90,1 % atuiffiuvoq, missingersuutinut akuerineqartunut 65,8 mio. kr.-inut naleqqiullugu.

Konto	Kontonavn	R-2018	B-2019	Tillægsb.	Korr. Budget 2019	Forbrug	Rest	Forbrug i %
30	Bilag til anvisning-konto 3	0	0	0	5.355	5.355	-5	0
33	Udlæg for Selvstyret	0	0	0	0	0	0	0
34	Suliffissaaleqisunik sulisitsineq	2.198	2.555	0	2.555	2.168	387	84,9
35	Piginnaanngorsaqiineq	1.151	3.403	-1.180	2.223	1.391	832	62,6
37	Kommuunip inuussutissarsiornermut kalluussimanera	1.114	2.687	0	2.687	1.546	1.141	57,5
38	MAJORIAQ	10.232	10.996	980	11.976	11.764	212	98,2
39	Suliffeerunnermik ikorsiissutit	5.961	7.637	-971	6.666	4.707	1.959	70,6
43	Siusinaartumik pension-it	25.368	24.597	1.011	25.608	25.067	541	97,9
45	Pisornit Ikorsiissutit	11.543	15.017	-6230	8.797	7.359	1.428	83,8
		57.567	66.892	-6.390	65.867	59.357	6.495	90,1

Konto 3: Inuussutissarsiornermut Ingerlatsivik:

Ukioq 2019-imi suliffissaaleqisut, ukiut siuliinut sanilliullugu apparneratigut, suliffissaaleqisunut suliniutit aammalu sulisitsinerit ukiup naajartornerani aatsaat ingerlanneqarput.

Inuussutissarsiornermut aningaasaliissutit eqqarsaatigalugit, 2018-imut saniullugu, ukioq 2019-imi suliniutit ataasiakkaat unitsinneqaraluartut, naammassineqarsinnaasut malillugit suliniarnej ingerlanneqarsimavoq.

Ukiullu naanerani suliniutissatut anguniakkat tamarmik naammassineqarput, Avannaata kommunianilu Inuussutissarsiornermillu Siunnersortit, Ilulissani katersuutsissimanerat iluatsilluartoq, upernaamut nanginnissaa siunniunneqareerpoq.

Majoriap ataani nunaqarfinni NUIKI-nik ingerlatsisimanerit aammalumi massakkut Qaanaami NUIKI-mik ingerlatsineq, ingerlalluartut nalilersinnaavarput. Qaanaami aappaagumut ingerlaannarnissaa, upernaap ingerlanerani nalilersorneqartussaavoq.

Konto 3-ip iluani suliniutit assigiinngitsut, Namminersorlutik Oqartussat peqatigalugit amerlanerpaat ingerlanneqarput. Tassani ilaalluni, Namminersorlutik Oqartussat aammalu Avannaata kommuniata Majoriat aquneqarnerannut Nammassisassatut isumaqatigiissut. Taamaattumik Namminersorlutik Oqartussanit tapiissutit annertuumik Inuussutissarsiornermut Ingerlatsiviup ataani aquneqarlutik ingerlanneqarput.

Aningaasat atunngittuulikkat, suliffissaaleqinerup apparnera malitsigalugu, 4,5 mill. kommuunip karsianut utertinneqarnikuupput.

Konto 34: Ukiup naanerani atuineq 84,9%-imiippoq. Suliffissaaleqisunik sulisitsineq, juullip tungaanut ingerlanikuvoq. Sulisitsineq iluatsippoq, aningaasallu immikkoortinneqarsimasut tamakkingajavillugit atornerarlutik. Suliffissaaleqisut 70-it tungaanoortut, sulisinneqarnikuupput.

Konto 35: Ukiup naanerani atuineq 62,6%-imiippoq. Piginnaanngorsartunik sulisitsineq, pitsanngoriartorlunilu amerliartuaarusaarnikuupput. Aappaagumut suliniutinut ilaatinneqarpoq, kommunip ataaniittut Ingerlatsiviit piginnaanngorsaaqqiineq siunertaralugu sulisunngorsaanerumut peqataanerunissaat eqqarsaatigalugu.

Konto 37: Ukiup naanerani atuineq 57,5%-imiippoq. Ukiup naajartornera eqqarsaatigalugu, pilersaarutit ataasiakkaat ajoraluartumik, sulisutigit nikittoqarneratigut, unitsinneqarnikuupput.

Takornarialerisunik ataatsimeeqateqartarnej ingerlalluarpoq, aappagumullu nukittorsarneqaaqqissalluni. Inuussutissarsiornerup iluani isumasioqatigiinnerit annertuut ingerlanneqarsigut pilersaarutit timitalersorneqarput. Ataatsimiititaliaq paasisassarsiorluni angalanikuvoq.

Aappaagumut sulisoqarnikkut nukittorsaaneq ingerlanneqassaaq.

Konto 38: Ukiup naanerani atuineq 98,2%-imiippoq. Sulisunik katersuutsitsineq ingerlalluarneqarpoq, naammassilluarlunilu. Aningaasanut killiffik eqqarsaatigalugu, ukiup naanissaanut pilersaarutaasut tamarmik naammassineqarput.

Konto 39: Ukiup naanerani atuineq 70,6%-imiippoq. Juullip tungaanut suliffissaaleqisunik sulisitsinerup kingunerinikuuaa, konto-p pineqartup tamakkerlugu atorneqannginnera.

Konto 43: Decemberip 31-iat tikillugu atuineq 97,9%-imiippoq. Ukioq manna siusinaartumik pensionisiassat tamakkiisumik tunniunneqareersimalerput. Inummut tapinut tunngasut kingulliit bogføringassat januarimi ingerlanneqarsinnaasasut, konto 43-amilu sippuisoqannginnissaa naatsorsuutigineqarsinnaavoq.

Konto 45: Decemberip 31-iat tikillugu atuineq 83,8%-imiippoq. Pisortanik ikiorsiissineq kingulleq ingerlanneqarpoq 27. December 2019. Maanna bogføriinerit kingulliit ingerlanneqassappata annikittuinnarmik nikittoqarnissaa naatsorsuutigineqarsinnaavoq. Taamaalilluni ukioq naaneqarsinnaasasooq konto 45-ip iluani kr. 1.300 (tusinde) sinneqartoornilu.

Ukioq naalersoq ilaatigut piniartut avannarpasinnerusumi tassangaannartumik pisariaqavissumik ikiorserneqartarsimapput qimmit nerisassaanut ikiorserneqarlutik, ukiariartornera ukiorneralu sivisuumik silarluttarneratigut qimmit nerisassaanut pissarsisinnaasimannngimmata.

Aningaasaqarnermut missingersuutit 2019-imut ukiup naanerani suli naammassineqanngikkaluartut killiffiusut saqqummiunneqarput. Aningaasaqarnermi killiffimmi saqqummiunneqartut tassaapput konto 4-p iluani ingerlanneqartut. Konto 43 aamma 45 saqqummiunneqartunut ilaangillat, taakku Inuussutissarsiornermut Ingerlatsivimmit ingerlanneqartuummata, kiisalu aamma 41-08 Peqqinneq sunngiffiup ingerlatsiviani ingerlanneqartut saqqummiussinnermi ilaatinneqanngillat.

Ilaqutareqarnermut Ingerlatsivik

Atuineq ataatsimut isingalugu annertussuseqarpoq 233,1 mio. kr. procentinngorlugu 90,2 % atuiffiuvoq, missingersuutitut akuerineqartunut 258,26 mio. kr.-inut naleqqiullugu.

Konto	Kontonavn	R-2018	B-2019	Tillægsb.	Korr. Budget 2019	Forbrug	Rest	Forbrug i %
40	Akeqanngitsumik ulluunerani paaqqinnittarfimmiitsinerit	163	214	92	306	135	171	44,1
41	Ikorsiinerit meeqqanut inuusuttuaqqanullu	65.513	65.490	-4.049	61.441	56.581	4.860	92,1
44	Uersakkanut akilersuutit	1.790	2.477	0	2.477	427	2.050	17,2
46	Isumaginninnermut aningaasaleeqataassutit allat	5.531	6.660	0	6.660	5.695	965	85,5
47	Utoqqarnik isumaginninneq	90.634	86.388	5.478	91.866	92.955	-1.089	101,2
48	Innarluutilinnut immikkoortotaqarfik	89.056	97.191	-2.834	94.357	76.326	18.031	80,9
49	Isumaginninnikkut aningaasartuutit allat	792	1.119	35	1.154	979	175	84,8
		253.479	259.539	-1.278	258.261	233.098	25.163	90,2

Konto 40-01: Friplads meeqqanut angerlarsimaffiup avataaanut inissinneqartunut aammalu avataaniik ilinniariarlutik tikittunut atorineqartarpoq. Maannakkut atuineq 58,4 % -mi atuisimaneq killiffeqarpoq, tamannalu pissuteqarluni meeqqanik angerlarsimaffiup avataaanut inissinneqarsimasunik ukioq manna angerlartitsinernik arlalinnik suliniuteqartoqarsimaneratigut.

Konto 41: Konto missigersuutit sinnerlugit atuisimavoq, maannakkullu 102,0 % atuisimaneq killiffeqarpoq. Pisariaqartitsineq tunngavingalugu meeqqat sisamat ilaqutariinni paarsisartuni inissisimatinneqarsimasut ulloq unnuarlu paaqqinnittarfimmut nuutsinneqarnikuupput, tamassumalu kinguneravaa aningaasartuutit aamma annerulersimani.

Meeqqat marluk ulloq unnuarlu paaqqinnittarfimmiittut pisariaqartitsineq aallaavigalungu paaqqinnittarfimmut allamut nuutinneqarput, akilersuutillu annertusineratigut aningaasartuutit annerulerutik. Meeqqat sisamat meeqqanik paarsisartunik inissisimatinneqarsimasut, pisariaqartitsineq aallaavigalungu meeqqanut ulloq unnuarlu paaqqinnittarfimmut nuutinneqarsimapput, taamaalilluni aamma tassani aningaasartuutit annerulernerat malunnaataalluni.

Kommuninut allanut innuttaasunik nuuttoqarsimatillugu aamma aningaasartuutit malinnaatinneqartarput. Tamannalu nuuttoqarnerani meeqqamut ataatsimut pisimanngilaq, taamaattumillu aningaasatuutit tassunga tunngatillugu utertinissamik ingerlatsiveqarfimminngaanniik ujartuineq ingerlanneqarluni. Taamattaq aamma toqukkut qimaguttoqarsimanerani aningaasanik akilersimasunik ujartuineq ingerlanneqarpoq.

Konto 44: Meeqqanut akilersuutitut konto atorineqartarpoq maannakkut 16,5 % -mik atuiffiusimavoq, tamannalu pissuteqarpoq akilersuutit annertuut isertinneqarsimammata.

Konto 46: Konto taanna atorineqartarpoq erninermi ullormusiaqartitsinermut aammalu ineqarnermut tapiissutitut, maannamull missingersorneqarsimasunik 77,2 % atuiffiusimalluni.

Erninermut ullormusiat kommunimit najugarisamit akilersorneqartarput, aningaasartuutaasunillu 90% Naalackersuisunit utertinneqartarlutik.

Ineqarnermut tapiissutit kommunimit najugarisamit akilersuititsineq ingerlanneqartarpoq, aningaasartuutillu 60%-ii Naalackersuisunit akilersorneqartarpoq, 40%-lu kommunip nammineq aningaasartuutigisarlugu. Kisitsisit ukiut ingerlanerani aalajaatsumik inissisimasarput, taamaattumillu allannguuteqartoqarnissamik ilimanaaterani.

Konto 47: Utoqqarnik sullissinermut konto atorineqartarpoq, maannamullu missingersuutaasimasunik sippuilluni atuisoqarsimalluni 103,2 % atorineqarsimallutik.

Utoqqaat illuisa sulisutigut aningaasanik atuineq missingersuutaasimasuninngaanniit anneruvoq, taannalu peqquteqarluni naliginnaasumik sulisussaqaarniarnerup ajornartorsiutaasarnera, taamaalilluni sulisut sulisooreersut qaangiuttoortillugit sulisiinnarneqartarsimani, taakkualu qaangiuttoornermusiat aningaasarsianik naliginnaasunik nalitunerusarneri missingersuutigisanik qaangiinnermi tunngaviupput.

Konto 48: Innarluutilinnik sullissinermi missingersuutinit naattorsorneqarsimasunit 90,6 % maannamut atorneqarsimalerput, taammaattorlu sulil ulloq unnuarlu paaqqinnittarfinni inissisinneqarsimasunit tunngassuteqartumik akiligassamik utaqqisaqarput, taannalu akiligassaq 944.288,82 kr-nimik naleqarpoq. Ulluinnarni ingerlatsinermi aningaasartuutit udgiftskonti ataasiakkaat missingersuutiniq qaangiisimapput, ulluinnarni pisariaqartitanik atuineq pissutaalluni.

Konto 49: 2019-mut missingersuusionerme aningaasaliissutinik ilanngussisoqarsimannginnera pisutigalungu aningaasat 370.000 kr., konto 4-p iluani nassariniarneqarsimapput, kontop iluani pisariaqartitsisoqara pissutigalungu. Kontomik tassangaaniik qimarnguimmut aningaasaliissutit tunniunneqartarput, taamaattumillu pisariaqarsimavoq aningaasanik ujartuinissaq.

Katsorsaatsinerit suliniutillu tassunga assigusinnaasut kontokkut tassuna ingerlanneqartarput, maannamullu aningaasanik atuisimaneq 85,2 % inissisimavoq.

Peroriartortitsinermet Ingerlatsivik

Atuineq ataatsimut isingalugu annertussuseqarpoq 231,4 mio. kr. procentinngorlugu 96,6 % atuiffiuvoq, missingersuutinit akuerineqartunut 239,6 mio. kr.-inut naleqqiullugu.

Konto	Kontonavn	R-2018	B-2019	Tillægsb.	Korr. Budget 2019	Forbrug	Rest	Forbrug i %
50	Ulluunerani neqeroorutit	60.546	67.755	- 80	67.675	64.105	3.570	94,7
51	Atuarfeqarfik	162.080	171.479	-345	171.134	166.810	4.324	97,5
55	Atuagaateqarfik	572	766		766	537	229	70,1
5	Ilinniarnermut Ingerlatsivik	223.198	240.000	- 425	239.575	231.452	8.123	96,6

Ingerlatsivik pingaarneq 50 Ulluunerani paaqqinnittarfiit

Ulluunerani paaqqinnittarfinni takuneqarsinnaavoq atuineq 94,7%-iusoq missingersuutinit sanilliullugu.

Taamaalliluni atuinikinneq 5,3 %-iulluni. Atuinikinnernermut pissutaanerupput angerlarsimaffimmi paarsisut meeqqanik paarsaqarnerat sulisoqarnikkullu nikerarmata. Sunngiffimmi ornittagaq ukiup ingerlanerani kingusissukkut aallartippoq, atuineralu 76,9 %-imiinnerani apparsaaqataalluni.

Konto 50-01 Ataatsimut siunertat

Ataatsimut siunertani takuneqarsinnaavoq missingersuutinit sanilliullugu katillugit 84,4 %-it atorneqarsimasut taamaallilunilu 15,6 %-imik atuinikinnerusoqarluni, tassani pissutaavoq aningaasanik Namminersorlutik Oqartussaniit utertitsisoqarmat pikkorissarnermut atorsimasat.

Konto 50-02 Meeraaqqeriviit

Meeraaqqerivinni takuneqarsinnaavoq missingersuutinit sanilliullugu atuineq tamarmiusoq 101,7 %-iusoq, taamaallilunilu 1,7 %-imik atuinerusoqarluni. Tassani pissutaavoq atorfeqavissut taartaasutut atorneqartarnerat, ulluni ikittuinnarni napparsimasoqartillugu. Ulluunerani neqeroorutit akissaateqanngilaq taartaasunut, tassanilu sillimaniarneq peqqutaalluni atuisoqartarpoq.

Konto 50-03 Meeqqeriviit

Meeqqerivinni takuneqarsinnaavoq missingersuutinit sanilliullugu atuineq tamarmiusoq 98,8 %-iusoq, taamaallilunilu atuinikinneruneq 1,2 %-imik atuinikinnerusoqarluni, tamassumunngalu pissutaaneruvoq qaammammusalinnut konto missingersuutinit sanilliullugu atuinikinnerummat, perorsaasunik amingaateqarneq pissutaalluni.

Konto 50-04 Sunngiffimmi ornittagaq

Sunngiffimmi ornittakkani takuneqarsinnaavoq missingersuutinit sanilliullugu atuineq tamarmiusoq 76,9 %-iusoq, taamaallilunilu 23,1 %-imik atuinikinnerusoqartoq. Ilulissani marlunnik sunngiffimmi ornittagaqarpoq, siulleq missingersuutiniq malinnaavoq aappaalu kingusissukkut aallartimmat atuineq annikinneruvoq.

Konto 50-05 Ukioqassutsinut agguarlugit paaqqinnittarfiit

Ukioqassutsinut agguarlugit paaqqinnittarfinni takuneqarsinnaavoq missingersuutinit sanilliullugu atukkat tamarmiusut 96,4 %-iusut, taamaalliluni 3,6 %-inik atuinikinnerusoqarpoq, tamassumunngalu pissutaaneruvoq qaammammusalinnut konto missingersuutinit sanilliullugu atuinikinnerummat, perorsaasunik amingaateqarneq pissutaalluni.

Konto 50-06 Ulluunerani paaqqinnittarnermik aaqqissuussinerit (Dagplejeordninger)

Ulluunerani paaqqinnittarnermik aaqqissuussinerit takuneqarsinnaavoq missingersuutitut sanilliullugu atuineq tamarmiusoq 83,4 %-iusoq, taamaalilluni 16,6%-imik atuinikinnerusoqarluni, tamassumunngalu pissutaaneruvoq meeqqat paaqqutarineqartussat amerlassusaasa nikerartarnerat.

Ingerlatsivik pingaarneq 51 Atuarfeqarfik

Immikkoortumi pingaarnermi 51-imi takuneqarsinnaavoq atukkat tamarmiusut 97,5 %-iusut, taamaalillunilu 2,5 %-imik atuinikinnerusoqartoq.

Konto 51-01 Kommunip atuarfii

Kommunip atuarfiini takuneqarsinnaavoq atuineq tamarmiusoq 97,3 %-iusoq, atuikinnerunerlu 2,7%-iusoq. Ipad-imut aningaasat atukkat fond-iniit utertinneqarput, taamaalilluni aningaasanik atuineq nalimmassarpoq. Ukiup ingerlanerani aningaasanik atuineruneq qaffakkaluarpoq.

Konto 51-11 Ilinniartut inaat atuartullu angerlarsimaffiat

Ilinniartut inaanni atuartullu angerlarsimaffianni takuneqarsinnaavoq atukkat tamarmiusut 103,5 %-iusut, taamaalilluni atuineruneq 3,5 %-iulluni. Tassani pissutaavoq sulisut qaammammusiallit atorfissaqartinneri annerummat aammalu ingerlatsinermit aningaasartuutit qaffasinnerullutik.

Konto 51-21 MISI AVANNA

Ingerlatsivimmi pingaarnermi 51-21 takuneqarsinnaavoq atuineq tamarmiusoq 89,6 %-iusoq, taamaalilluni 10,4 %-imik atuinikinnerusoqarpoq. Missingersuutit ilaneqarput MK2-mi ukiup sinneranut atuinissanut missingersuutit malillugit, paasinarsivorli annertunaalaarsimasut.

Ingerlatsivik pingaarneq 55 Atugaateqarfik

Atugaateqarfimmi takuneqarsinnaavoq atuineq tamarmiusoq 70,2 %-iusoq. Taamaalilluni atuinikinneruneq 29,8 %-iulluni.

Nunaqarfimmi tamarluinnangajanni aningaasanik atuinikinnerusoqarpoq Kangersuatsiaq, Naajaat, Innaarsuit, Nuussuaq aamma Tasiusaq pinnagit. Sumiiffimmi mikinnerusuni atuarfimi aningaasarsianut kontot atorlugit atugaateqarfimmi sulisut akissarsisinnerqartarput.

Konto 6 – Pilersuiffiit

Atuineq ataatsimut isingalugu annertussuseqarpoq 7,1 mio. kr. procentinngorlugu 118 % atuiffiuvoq, missingersuutitut akuerineqartunut 6,0 mio. kr.-inut naleqqiullugu.

Konto	Kontonavn	R-2018	B-2019	Tillægsb.	Korr. Budget 2019	Forbrug	Rest	Forbrug i %
66	Eqqakkat il. II.	-497	-1.734	2.000	266	1.024	-758	385,1
68	Pilersuiffiit allat	6.452	5.734	0	5.734	6.057	-323	105,6
6	Pilersuiffiit	5.955	4.000	2.000	6.000	7.081	-1.081	118

Konto 66: Anartarfilerineq inatsisitigut pisussaafiuvoq, taamaammat ingerlajuarnissaa pisariaqarpoq. Nalinginnaasumik anartarfilerinikkut isertitassat amigaataapput, taamaammat inoqarfimmi arlaqartuni missingersuutitut atuivallaarnermik kinguneqarput. Akit appasippallaamik inissinneqarsimapput, aningaasartuutit isertitanut nalimmassarnikuunngillat. Ingerlatsivik neriuppoq balance/nalimmassaaneq 2020-imi naligiinnerulissasoq.

Ulluunerani eqqaavilerineq, nunaqarfiit uku atuivallaarput, Ilimanaq, Qeqertaq, Ukkusissat, Upernavik Kujalleq, Kangersuatsiaq, Aappilattoq, Innaarsuit, Tasiusaq, Nutaarmiut aamma Savissivik. Tamanna akissarsiatigut atuivallaarnermik patsiseqarpoq. Anartarfilerisussanik sulisussarsiorneq ajornakusoortuuvooq aalisarnikkut akissarsiat pitsaasuummata. Taamaammat anartarfilerisutut sulinermit akissarsiat unammillernartut/unammillersinnaasut ivertittariaqarsimapput.

Anartarfilerineq, inoqarfiit uku atuivallaarput, Qaanaaq, Upernavik aamma Savissivik atuivallaarput. Patsisaasoq qulaatungaani allaaserineqarpoq.

Konto 68: Umiarsualiveqarfiit paaviaanerlu saniatigut allanik oqaaseqaatissaqartoqanngillaq.

Ilulissani ikuaalavik sammisaqarnerunini pissutigalugu amerlanerik sulisoqarpoq. Ukuusinnaapput eqqaavissuarmi iluarsaassinerit – eqqaavissuaq ulikkaarpoq aammalu inissaqarnerulernissaa pillugu nutartigassaalluni. Nalinginnaasumik aamma eqqagassaqarnerulernikuuvooq suliassanik.

Konto 7. Sanaartornermut aningaasartuutit

Atuineq ataatsimut isingalugu annertussuseqarpoq 89 mio. kr. procentinngorlugu 90,9 % atuiffiuvoq, missingersuutitut akuerineqartunut 97,8 mio. kr.-inut naleqqiullugu.

Konto	Kontonavn	R-2018	B-2019	Tillægsb.	Korr. Budget 2019	Forbrug	Rest	Forbrug i %
70	Ineqarnermut sanaartornermut aningaasaliissutit	21.528	19.204	-1.400	17.804	9.052	8.752	50,8
71	Allaffeqarfirmut sanaartornermut aningaasaliissutit	8.561	9.450	0	9.450	11.248	-1.798	119
72	Teknikkeqamermi immikkoortumi sanaartornermi aningaasaliissutit	10.948	17.957	15.723	33.680	33.591	89	99,7
73	Suliffissaqartitsiniamermi immikkoortumut sanaartukkanut aningaasaliissutit	424	1.200	0	1.200	1.160	40	96,7
74	Isumaginninnikkut imm. Sanaartornermut aningaasartuutit	1.393	2.000	-1.000	1.000	2.193	-1.193	219,3
75	Ilinniartitaaneq kulturrimullu sanaartukkanut aningaasaliissutit	29.672	27.199	4.500	31.699	28.781	2.918	90,8
76	Pilersuinermut sanaartukkanut aningaasaliissutit	1.373	2.400	0	2.400	2.902	-502	120,9
77	Nunagissaanermit sanaartukkanut aningaasaliissutit	7.738	2.700	-2.100	600	32	568	5,4
7	Sanaartornermut aningaasaliissutit	81.638	82.110	15.723	97.833	88.960	8.873	90,9

Konto 70: Inissiat nalinginnaasumik atugassiat A32, Ilulissat. Inissianik sanaartorneq aallartisarpoq toqqavissallu napparneqareerput. Sanaartorfigissaaneq eqqarsaatigalugu aningaasaatit atorineqanngitsut pigineqarput, illuliassanut asfalterinerup kinguaattooqqanerinik patsiseqarpoq. Aningaasaatit atorineqanngitsut missingersuutit 2020 -meertumut aningaasaliissutitut tapiliussassatut qinnutigineqassapput.

Nunaqarfinnut inissialiornissamik malitassaq/program, Kullorsuaq, suliaq ingerlaarpoq, 4-t Illorput 2100.

Naammassinissai kinguaattoorput. Tamanna Danmarmikimiit atortussanik nassinneqanngitsoornermik patsiseqarpoq. Pilersinniagaq ataatsimut isigalugu katinnerani 90-ia naammassineqarnikuuvoq. Illut naatsorsuutigineqarpoq naammassinneqarnissaat aasami 2020-mi nuuffigineqarsinnaalissapput. Aningaasat atorineqanngitsut 2020-mut missingersuutitut aningaasaliissutitut tapiliussassatut qinnutigineqassapput. Nunaqarfinnut inissialiornissamik malitassaq/program, Ukkusissat, tamanut atorsinnaasoq (kombihus) illup napparneqarnissaa naatsorsuutaavoq. Suliassaq suliariumannittussarsiuunneqarnikuuvoq aamma Lasøp pinikuuvaa kiisalu isumaqatigiisummi peqataasussanut tunngasortaa aallartisarneqarpoq. Neqeroorneq missingersuutit iluaniippoq. Sanaartornissaq aasaanerani aallartinnissaa naatsorsuutigineqarpoq.

Konto 71: Kommunip illuutai, illunut assigiinngitsunut aningaasaatit ataavartumik atorineqarput. Kommunip illuutaasa nutarternerinut tunngasumik annertuumik atuinerusoqarpoq, ajoqutaasut iluarsineqarnissaat pisariaqarsimammatt aammalu illumu amigaataasut. Iluarsaassinerit inatsisitigut piumasaqaataapput, iluaniipput ikuallanngittoornissamat innaallagiaqarnermullu pissutsinut tunngasut kiisalu oquk pillugu nutarterinermik imaqarpoq.

Isfjordscenter, sullissiviit naammassilerput. Illu sullissivissaq allannguutissanik amigaateqarpoq, takuuk illussanik titartaasartup titartagai. Illu ukiup ingerlanerani naammassineqarnissaa naatsorsuutigineqarpoq. INI A/S -imit illup pitsaassusaanik nalilersuineq, kommunimi kommunip illuutaannik illut pitsaassusaanik nalilersuineq suliarineqarnikuuvoq. Akiligassarli sulii akilerneqanngilaq, taamaammatt naatsorsuutigineqassaaq kontomiit akilerneqarnissaa.

Nordlyscenterip pilersinniarneqarnera, kommunip Namminersorlutik Oqartussat ataatsimeeqatiginikuuai, Kalaallit Nunaanni Visitor Center-inut ilaalernissaa siunertaralugu. Tamanna Namminersorlutik Oqartussanit ilassilluarneqarpoq. DTUp pilersinniakkamut aningaasaliissussarsiorneq ingerlappaa. Nordlyscenterimut tungasoq atuivallaalaarfiuvoq. Pilersinniagaq ukiuni arlalinnut ingerlassaaq, aamma ukiunut tulliuttunut missingersuutit tamarmiusup iluaniinnissaa naatsorsuutigineqarpoq.

Konto 72: Pilersinniagaq Ilimanaq, ukiuunerani kloakkimi qaartoorfiusut pissutaallutik kiisalu nunaqarfimmi tigooraanerup allannguuteqarnera pissutaalluni atuivallaarfiuvoq.

Kraani Ilulissani ukiuunerani naammassinissaa naatsorsuutaavoq.

Kraani Uummannami, naammassereerpoq atorneqarsinnaalerlunilu. Illoqarfiup innaallalersuutaata kraani artorsimavaa taamammat ingerlatsiffiusimangilaq. Taamaammat innaallagissaliorfimmik generatorimik ikkussinissaq pisaariaqarsimavoq. Tamanna atuivallarnermik nassataqarfiuvoq.

Kraani Upernavimmi, suliassanik suliarinnittartumik amigaateqarpoq, kraani ikkunneqassanngilaq.

Naatsorsuutigineqarporli ukioq manna napparneqarnissaa.

Kraanui Tasiusami nunaqarfik Upernavik Kujallermiit assartorneqarnissaa naatsorsuutigineqarpoq.

Taamaattoq nalinginnaasumik suliassanik suliarinnittussanik nassaarniarneq unammillernartuuvoq, kraanimik assartuisinnaasumik nappaasinnaasumillu.

Kraani ulittarnerani tinittarneranullu naleqqusagaq tummeqqat, Saattut, kraanip ivertinnissaa pillugu unammillernartoqarpoq, sanaartornermut immikkoortortaqarfiup periarfissat misissorpai, ataatsimiititaliap ingerlaavartumik nalunaarfigineqartassaaq. Aammattaaq suliassanik ulittarnerani tinittarneranullu naleqqusagaq tummeqqat suliarineqarnissaanni kraanimik suliarineqarnissaannut suliarinnittartussamik nassaarniarneq unammillernartoqartinneqarpoq, sulisussaaleqineq patsisigalugu.

Asfaltilersuineri atortussat Ilulissani, suliassaq naammassivoq, 6 km miss. asfaltilersuisoqarpoq.

Atuivallaarneq pivoq, tamanna asfaltiliorfissap nutaap inissaata pilersinniarnarneranik kiisalu piffimmi containereqarfiusimasup nutserneqarnissaanik patsiseqarpoq.

Asfalterineri atortussat, Uummannaq Upernavillu suliassat naammassineqarput.

Kloakkimik nutarterineq, Qaanaami kloakkeqarfik nutarterneqarsimangilaq, kisianni napparsimmaviup ajornartorsiutaanut tunngatillugu pisariaqavissumik iluarsaassinissamut suliaqartoqarpoq. Suliassaq naammassineqarpoq.

Elisabeth Thomsensvejimi immikkoorfik kloakki marlunnik iluarsaatassanik katersuuffiusumik milittoorfiusumik peqarpoq annikillisassamik. Suliassaq naammassivoq.

Qamutit assakaasullit pisarineqarput Avannaata Kommuniani, atuivallaarfiusumik. Tamanna patsiseqarpoq kommunimi pisortaaneremut assakaasulinnik qamutinik pisinerimik kiisalu nunaqarfinnut snescooterinik arlalinnik pisinerimik, naatsorsuutigineqartutut nutarterinerup ingerlaannarnissaa pillugu. Maannamut pigineqareersut snescooterit nungullarsimmamata.

Konto 74: Upernavimmi utoqqaat illuata allilerneqarnera, atuivallaarfiuvoq, siunnersuisup siunnersuutaanit annertunerusumik illusimaffiup Kunuutip piiarneqarnerani aningaasartuuteqarneruneq patsiseqarpoq.

Konto 75: Ilulissani ivigaasaaqqanik arsaattarfissat, atuivallaarfiuvoq. Tamanna patsiseqarpoq, naatsorsuutaanngitsumik nunap pissusaata allaanerunera, tamanna ima kinguneqarpoq pilersinniakkap allanngortinneqarneranik, tassungalu aningaasartuutit qaffasinnerusimallutik. Tamakku saniatigut naatsorsuutaanngitsumik aningaasartuut Uummannamut arsaattarfiup ukiup ingerlanerani tunniuttariaqarsimanera pisariaqarsimammat, missingersuutitigut naammassineqarsimangisaannartooq.

Upernavimmi atuarfiup nutarterneqarnera suliassaq suli ingerlavoq, kisianni kinguaattooqavoq silaannarissarfinnut tunngasoq pilersinniagaq kukkuneqarsimammat. Tamanna ima isumaqarpoq tunniussinissamik isumaqatigiissut aatsaat aasamut pisinnaasoq. Aningaasat atorneqanngitsut 2020-mut missingersuutinut aningaasaliissutinut tapiissutitut qinnuteqaatigineqassapput.

Uummannami meeqqerivik nutaaq, suliassaq ingerlaarpoq toqqavissaa nammassivoq. Sanasut massakkut aallartipput.

Atuartut angerlarsimaffiat nutaaq, Ilulissat, qulaatungaani allaaserineqartutut.

Atualersusanut atuartunullu atuarfiit nutartigaaneri, suliaq ingerlavoq, allanik oqaaseqaateqartoqanngilaq.

Konto 76: Avatangiisinut aningaasaateqarfik Namminersorlutik Oqartussanit annertuumik tapersorsorneqarpoq kommunip qinnuteqarfigisaa. Kontomi atuivallaartoqarpoq aningaasartuutissanut suli qinnuteqartoqanngimmat.

Konto 77: Sanaartorfigissaaneq, Upernavik, Upernaviup avannaani aqqusinertaassamut sanaartorfigissaaneq, sulisussaaleqineq pissutigalugu uninngavoq kisiannili ukioq manna allarteqqinnissaa naatsorsuutigineqarpoq.

Isertitat

Atuineq ataatsimut isingalugu annertussuseqarpoq -860,6 mio. kr. procentinngorlugu 94,4 % atuiffiuvoq, missingersuutinut akuerineqartunut -911,3 mio. kr.-inut naleqqiullugu.

Konto	Kontonavn	R-2018	B-2019	Tillægsb.	Korr. Budget 2019	Forbrug	Rest	Forbrug i %
80	Inummut namminermut akileraarutit	-369.256	--378.631	-32.910	-411.541	-363.977	-47.564	88,4
81	Ingerlatseqatigiiffiit akileraarutaat	-4.787	-7.200	0	-7.200	-2.253	-4.947	31,3
83	Tamanut tapiissutit matussusiinerillu	-505.069	-495.280	0	-495.280	495.445	165	100,0
85	Erniat, pigisanit iluanaarutit kiisalu aningaasat naliginin annaasaqaatit	-6.900	-6.898	175	-6.723	-6.241	-482	92,8
86	Isertitat allat	-377	-1.200	0	-1.200	-36	-1.164	3,0
88	Naleerutitsineq	4.983	1.800	8.800	10.600	7.379	3.221	69,6
8	Isertitat	-881.406	-887.409	-23.935	-911.344	-860.573	-50.771	94,4

Iserttat iluani aningaasanik 50,8 mio. kr.-inik suli isertikkumaangassanik missingersuuteqartoqarpoq, procentinngorlugu atuineq annertussuseqarpoq 96,7 %-imik.

Konto 80-imi Inummut namminermut akileraarutit qaammammik ataatsimik kingulliullutik aningaasartaat tunniunneqartarmata, qaammammi tapiliussami aningaasat tingusimani takussutissaalerumaarput.

Konto 81 Ingerlatseqatigiiffiit akileraarutaat, aningaasat naliginnaasumik tunniunneqartarput februar naanerani.

Konto 85, pilersaarutit malillugit ingerlavoq

Konto 86, Illuutinin tuniniaanissamut pilersaarusioreq suli ingerlanneqarmat, tunisineq arriitsumik ingerlavoq.

Konto 88, pilersaarutit malillugit ingerlavoq

Inatsisitigut tunngaviusut:

- Inatsisartut inatsisaat nr. 29, 17. november 2017-meersoq Kommunalbestyrelsip aqutsinermut inatsisaa

Aningaasaqarnikkut kinguneqaatit:

Aningaasaqarnikkut kinguneqaatissat ukioq 2019 naatsorsuutitigut matunerani aningaasanik atuineq allannngorsinnaavoq.

Suliamik suliarinnineq:

Ataatsimiisitaliat susasaqarfigisatik peqatingalugit aningaasaqarnikkut killiffissiuinikuupput.

Aningaasaqarnermut Ataatsimiititaliaq

Kommunalbestyrelse

Aningaasaqarnermi Ataatsimiititaliami qulequtaq sammeneqarami imaqarniliaq:

Inassuteqaat akuerineqarpoq.

Umasupiluiaanermut immikkut aningaasaliisoqarnissaanik siunertaqartumik ataatsimiititaliaq teknikimut ataatsimiititaliamut suliakkiivoq qulequtaq oqallisingeqqullungu.

Inassuteqaat:

Aningaasaqarnermut Ataatsimiititaliap kommunalbestyrelsemut inassutingaa

Suliat saqqummiunneqartut akuerissangaa

Ilanngussat:

Bilag 002-01: Aningaasaqarnikkut oqimaaqatingiissaarineq (balance)

Aalajangiineq:

**Aningaasaqarnermut Ataatsimiititaliap inassuteqaataa akuerineqarpoq.
Teknikimi Ataatsimiititaliaq illu sulliviini annerusumik isertitaqalernissamut misissuilluni
suliaqassasq kommunalbestyrelsemit piumasarineqarpoq.**

Atsiorfissaq:

Palle Jerimiassen, (S),

Jens Kristian Therkelsen, (S)

Sakio Fleischer, (S),

Jørgen Kristensen (S)

Jakob Petersen (S)

Susanne K. Eliassen (S)

Ane Marie M. Andersen (S)

Apollo Mathiassen (S)

Masauna Holm Petersen (S)

Karl Markussen (A)

Aqqaluk Heilmann (PN)

Aqqalu Jerimiassen (A)

Anthon Frederiksen (PN)

Ole Danielsen (PN)

Bendt B. Kristiansen (IA)

Regine N. Bidstrup (IA)

Lena Ravn Davidsen (D)
